

საქართველოს კანონი

საქართველოს საჰაერო კოდექსში ცვლილების შეტანის შესახებ

მუხლი 1. საქართველოს საჰაერო კოდექსში (პარლამენტის უწყებანი, №27-28/4, 21 ნოემბერი, 1996, გვ. 69) შეტანილ იქნეს შემდეგი ცვლილება:

1. კოდექსს დაემატოს შემდეგი შინაარსის 10² მუხლი:

„მუხლი 10². სააერნოსნო მომსახურებაზე ზედამხედველობა

სააერნოსნო მომსახურებაზე ზედამხედველობას, რომელიც მოიცავს სააერნოსნო მომსახურების საწარმოს სერტიფიცირებას, სააერნოსნო მომსახურების გაწევისას გამოყენებული ტექნიკური საშუალებების აღიარებას/ტექნიკური მდგომარეობის შეფასებას, სააერნოსნო მომსახურების საწარმოს ინსპექტირებას და უწყვეტ მონიტორინგს, უსაფრთხოების მართვის სისტემის და მასთან დაკავშირებული დოკუმენტაციის შეთანხმებას, სააგენტო ახორციელებს ამ კოდექსის, საქართველოს საერთაშორისო ხელშეკრულებებისა და შეთანხმებების და მათ საფუძველზე შემუშავებული სააერნოსნო მომსახურების წესების შესაბამისად.“.

2. მე-17 მუხლი ჩამოყალიბდეს შემდეგი რედაქციით:

„მუხლი 17. სააერნოსნო მომსახურების გადასახდელი

1. სააერნოსნო მომსახურების გადასახდელის შედგენისა და გამოთვლის პრინციპები და მეთოდოლოგია განისაზღვრება საქართველოს ეკონომიკისა და მდგრადი განვითარების მინისტრის ბრძანებით.

2. სააერნოსნო მომსახურების გადასახდელის გადახდისაგან თავისუფლდება:

ა) სახელმწიფო საჰაერო ხომალდი;

ბ) საჰაერო ხომალდი, რომელიც გამოიყენება სტიქიური უბედურების, კატასტროფისა და ავარიის დროს ადამიანების, სახელმწიფო და კერძო ქონების გადასარჩენად სამებნ-სამაშველო სამუშაოების ჩატარების მიზნით;

გ) საქართველოს საერთაშორისო შეთანხმებებისა და ხელშეკრულებების საფუძველზე და ამ საერთაშორისო ხელშეკრულებების ფარგლებში გათავისუფლებული საჰაერო ხომალდი/ფრენა.“.

3. 21-ე მუხლის მე-3 ნაწილი ჩამოყალიბდეს შემდეგი რედაქციით:

„3. სახელმწიფო საჰაერო ხომალდებს განეკუთვნება ხომალდები, რომლებიც გამოიყენება სამხედრო, საბაჟო და საპოლიციო მიზნებისათვის და შეტანილია სახელმწიფო საჰაერო ხომალდების რეესტრში.“.

მუხლი 2

ამ კანონის ამოქმედებიდან 2 თვის ვადაში:

ა) საქართველოს ეკონომიკისა და მდგრადი განვითარების სამინისტრომ უზრუნველყოს ამ კანონის პირველი მუხლის მე-2 ნაწილით გათვალისწინებული საქართველოს საჰაერო კოდექსის მე-17 მუხლის პირველი ნაწილით განსაზღვრული ნორმატიული აქტის დამტკიცება;

ბ) საქართველოს მთავრობამ უზრუნველყოს ამ კანონის პირველი მუხლის მე-2 ნაწილით გათვალისწინებული საქართველოს საჰაერო კოდექსის მე-17 მუხლის მე-2 ნაწილის შესაბამისად „გათავისუფლებულ ფრენაზე გაწეული ხარჯების ანაზღაურების წესის“ დამტკიცება.



მუხლი 3

1. ამ კანონის მე-2 მუხლის „ბ“ ქვეპუნქტში მითითებული „გათავისუფლებულ ფრენაზე გაწეული ხარჯების ანაზღაურების წესის“ ამოქმედებისთანავე ძალადაკარგულად გამოცხადდეს „საერთაშორისო ანტიტერორისტული საქმიანობის ხელშეწყობის ზოგიერთ ღონისძიებათა შესახებ“ საქართველოს პრეზიდენტის 2001 წლის 28 ნოემბრის №484 ბრძანებულება.

2. ეს კანონი ამოქმედდეს გამოქვეყნებისთანავე.

საქართველოს პრეზიდენტი

გიორგი მარგველაშვილი

ქუთაისი,

27 დეკემბერი 2013 წ.

N1900-რს

